

## Intervista cun Pascal Gamboni

Intervistader: Benedetto Vigne

1. Il titel da tes Top Pop è «Il sulegl a tuts». Tge è grosso modo il messadi da quella chanzun?

Il text ae fundaus sen ina poesia d'amur ed ae daventaus in'embratschada alla veta, ils carstgauns, il sulegl, igl univers, l'entira existenza. La construcziun «il sulegl saud'a tuts» schev'in um vegl adina tge mava el medem liug ein vacanzas sco mia famiglia.

2. Ti has en sasez ina ferma preschientscha en las emissiuns dal Radio Rumantsch, tge è il motiv che ti participeschas a la retscha da Top Pop?

Ju sun vagnius dumandaus schon avauin in amen sch'ju lessi far in top pop, vevel adina tema da far ei, vevel tema da betg savei luvrar sco quei tg'ju funcziunescha il meglier, la finfinala ol zazzi dau da me in phone e fatg la proposta da producir la chanzun, el veva schon produciu omisdus albums d'ils passiunai, dapi lu essan nus mai sevesi, il timing ae staus perfetgs, nus essan secapi dall'entschatta.

3. Datti differenzas envers las producciuns da tes dus ultims albums?

Ils davos albums vein nus produziu sezs, nos mieds da registrar en mudests aber els possibiliteschan ina gronda libertad, cu luvrar, nua luvrar e con ditg, per me sai fetg impurtont da registrar la musica cun tuts ils musicists ensiamen, veiramein sco i tuna, adina schabegia quei betg, aber cun quei el tgau enqueran mias ureglias pletost la chanzun enstagl l'absenza da sbagls.

4. Ti has vivì intgins onns en Engalterra, ed es turnà avant circa in mes onn per star ussa a Berna. Tge èn stads ils motivs da quella midada?

Ils motivs en stai: desideri per midada – sen engles dian'ei: change is as good as a rest – e l'amur.

5. Far musica resta per tai ina sfida e passiun centrala; tge fas anc dasperas per surviver economicamain?

Cu meeis tuns portan negin paun sen meisa (quei tge schabegia ple e ple pauc) lu lavur'ju davos las culissas da teaters, hallas da concerts ed events da tuttas sorts.

6. Da nua vegnan tes dus accumpagnaders? Faschevan els gia part da tia gruppa «englaisa»?

Per quella registraziun essan nus stai Sun Gone Mad, quei ae la band tge nus vein fundau a Londra, fagein musica fetg salvadia aber era fetg experimental, igl album «As fiug?» vein nus era registrau ein quella formaziun, quei ae Severin Brugger da Sedrun, Tricky Lee da Leeds ed ju. [sungonemad.com](http://sungonemad.com) ae ina communitad d'artists, nus fegein era films, maletgs ed instrumeins, tut quei tge nus fagein anfl'ins sen quella pagina.



**7.** Quant bain funcziuneschi da mantegnair ina grupp stabla?

Ina grupp funcziunescha aschi ditg sco i fo sbrenzlas, neginas bands tg'ju sun staus part on calau d'exister, ellas semplamein muteschon e creschan adina tier zatgei auter.

**8.** Ti es creschì si en il Tujetsch. Quant ferm èn ils lioms envers tes lieu nativ?

Meeis lioms en fetg ferm, sun stedi a Sedrun, mia famiglia viva lo, fetg buns amitgs tg'ju enonuscha schon dapi naschientscha, ed insumma miu lungatg e mia moda. Sianter duple tge miez da mia veta egl exteriur sund'ju aber schi sesmervegliaus dad encorscher tge la morala dil vitg influenzescha aun adina mias decisiuns, pil bien e pil schliet. Crass con bie tge vegn schon dau ein tgina, la via d'il flum dapianda dil contuorn.

Crass con greeiv i ae da schazagier quei tg'ins o.

Tgei vein nus schon fatg per esser naschi nua nus essan naschi?

**9.** Ta resentas ti magari schon sco ina generaziun «veterana» en confrunt cun las pli giuvnas vuschs?

Ju sun da 77, e miu tiamps ae staus quel dil metal e grunge afin 80 antschatta 90 epi videin el britpop epi anora enviers tut. Ina biala canzun ae ina biala canzun ae ina biala canzun.

**10.** Datti la pussaivladad dad ina reunificaziun - er mo transitoria - dals Passiunai?

Gie lezza datti, aber begia els proxims 10 onns, aber lu segir era cun nova musica.